



Aqqalu C. Jerimiassen
Atassut

UKA 2023/18
28. september 2023

Uunga siunnersuut: Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat

(Aningaasaqarnermut, Naligiissitaanermut, Aatsitassanut, Inatsisillu Atuutsinneqarnerannut Naalakkersuisoq)

Suliffeqarfiit ineriartortuarnissaat namminersortullu pitsaasumik atungassaqartinneqarnissaat Atassummiit illersungariuartarlugu ilisarnaatigilluartarparput.

Inuiaqatigiinnullu kinguneqarluartumik sutigullu tamatigut suliffissaqarnikkut atungarissaarnikkullu iluaqutaanissaa sallerpaatinnessaa siunertarisarlugu.

Taamaattorli avataaniit suliffeqarfiit pulassappata, pisariaqartuuvortaaq marloqiusamik akileraartussaataitaanikkut isumaqatigiissuteqarsimanermi aningaasat nunatsinnit aniasut minnerpaaffianiitinneqarniarnissaat, annertunerpaamillu nunatsinniisinneqassasut.

Taamaammat pissanganarpoq uani inatsisissatut siunnersummi qanoq ilumut iluaqutitaqarsinnaanersoq paasiniassallugu.

Misinnarporlu taamatut isikkoqartilluni imaaliinnarlugu ilusaatut akueripallaannarnissaa pinnagu ataatsimiitsitaliaq qulaajaalluartaqartoq aappassaaneerseqartinnagu.

Aningaasarsiornikkummi sunniuteqarsinnaasut, siunertaq ajunngikkaluarpalluunniit arlaatigut ilimaginngisamik aningaasarsiornikkut kingunerluuteqaratartoorsinnaanissaa pitikkusunnangimmat.

Taamatut Atassummiit naatsukullammik oqaaseqaateqarluta, siunnersuut aappassaaneerseqartigani Aningaasaqarnermut akileraartarnermullu ataatsimiitsitaliamut ingerlatinneqarnissaa innersuupparput.